

## **Naqqiut**

Akissuteqaat 22. maj 2024-meersoq taarserpaa

(Allannguutissatut siunnersuut kalaallit oqaasiisa pingaaruteqassusaannut tunngassuteqartoq, naligiissitaaneq assigiinngisitsinnginnissarlu pillugit Inatsisartut inatsisaannut siunnersuutip, aappassaanneernejarnissaanut taarsiullugu, pingajussaanneernejarnissaanut saqqummiunneqassaaq)

### **Uunga siunnersuut: Naligiissitaaneq assigiinngisitsinnginnissarlu pillugit Inatsisartut inatsisaat**

(Inuussutissarsiornermut, Niuernermet, Aatsitassanut, Inatsisit Atuutsinneqarnerannut Naligiissitaanermullu Naalakkersuisoq)

### **Akissuteqaat**

(Inuussutissarsiornermut, Niuernermet, Aatsitassanut, Inatsisit Atuutsinneqarnerannut Naligiissitaanermullu Naalakkersuisoq)

### **Aappassaanneernejarnera**

Naligiissitaaneq pillugu inatsisip nutarternejarnissaa aamma inatsisiliornermi siullerpaamik assigiinngisitsineq akiorniarlugu illersuinerup eqqunneqarnissaa, inatsisissatut siunnersuutigineqartumit anguniarneqarpoq. Taakku marluk pisariaqarluinnartuusut Naalakkersuisut isumaqarput.

2024-imi inuuvugut, aamma naleqartitanut Naalakkersuisut siuarsassallugit kissaatigisaannut inatsisip naapertuunnissaata qulakkeernejarnissaa pisariaqarluinnarpoq. Inuit innarluutillit ullumikkut assigiinngisitsinissamik inerteqquteqarnermi ilaatinneqannginnerat inuppassuit tupaallaatigisarpaat. Tamanna aamma LGBT+-inut atuuppoq. Pitsaannerusumik iliorsinnaasugut, Naalakkersuisut isumaqarput. Tassami nunatsinni innuttaasut tamakkerlutik assigiinngisitsivigineqarnissamat illersorneqarnissaasa aamma naligiissitaanerup siuarsarneqarnissaata qulakkeernejarnissaat, Naalakkersuisunut pingaaruteqarpoq. Tamatuma peqatigisaanik inuit pisinnaatitaaffii pillugit nunat tamat akornanni isumaqatigiissutinut ilaaffigisatsinnut tunngatillugu pisussaaffitta naammassineqarnissaannut inatsisiliornerit pisariaqartinneqartut naammassisariaqarpagut.

Tamanna tunngavigalugu Inatsisinut Ataatsimiititaliap inatsisissatut siunnersuummik peqqissaartumik suliarinnissimaneramik Naalakkersuisut ataatsimiititaliaq qutsavigiumavaat, aamma ataatsimiititaliami amerlanerussuteqartut Naalakkersuisut suliassaqarfimmum takorluugaannut isumaqataaneramik nuannaarutigalugu.

Kalaallit oqaasiisa pingaassusaannik erseqqissisitsisussamik, inatsimmut allannguutissamik saqqummiusseqqullugit, Inatsisinut Ataatsimiititaliap Naalakkersuisut kajumissaarsimavaat.

Tamanna tunngavigalugu Naalakkersuisut pingajussaanneerinissamat allannguutissatut siunnersuummik suliqaassapput, taamaalilluni taanna ataatsimiititaliap allanngortinneqartussatut kissaatigisaannik imaqaalissalluni.

Taamatut oqaaseqarlutik allamillu oqaaseqaateqaratik Naalakkersuisut siunnersuutip aappassaanneernejarnissaanut tunniunniuppaat.